

州志卷之一

疆理志

星野
屯社

沿革
祥異

界域
風俗

山川
物產

形勝
紀事

灤亦孤竹故壤蓋化疆也夷齊之風天下慕之矧入其地者哉曩欲訪二賢遺蹟而適至是邦竊爲嚮往者久之於是上紀天文下紀地理以及民風之淳樸物產之生息人事之變遷皆於疆理中敘之所以重其地也志疆理

星野

三垣 紫微垣外有斗星七 一曰樞五曰玉衡灤
分野屬焉春秋緯云冀州屬樞星宋天文志云北斗

七星五曰玉衡爲音主土其分爲燕第八曰弼星在第七星右不見漢志主幽州按天市垣東蕃十一星三曰燕又十六國十六星在牛女南近九坎各分土居列國之象其楚南一星曰燕

五緯 晉天文志云辰星曰北方冬水主燕趙石氏云辰星主幽

十二宮 遼史地理志云野旅寅爲析木之津按晉天文志自尾十度至南斗十一度爲析木於辰在寅爲燕之分野屬幽州元歷志謂太陽黃道界尾三度餘外入燕分析木之次辰在寅帝王世紀載自尾十

度至斗七度百三十五分而終曰析木之次於辰在寅謂之攝提格於律爲應鐘斗建在亥今燕之分野山堂索考云箕尾星曰析木宮曰人馬時曰寅州曰幽又漢書天文志云壬燕趙亥燕代淮南天文訓亦謂亥燕甲戌燕也

二十八宿 箕尾爲析木周禮註析木燕也考漢書地理志自尾四度至斗六度謂之析木之次爲燕之分野東有漁陽右北平遼西遼東又晉書天文志自尾十度至南斗十一度爲析木實燕之分野屬幽州漁陽入尾三度右北平入尾七度遼西東入尾十度

唐書天文志析木爲雲漢末派山河極焉故其分野
自北河末派窮北極之曲東北負海爲析木負海
以其雲漢之陰也又云箕尾析木津也初尾七度餘
中箕五度終南斗八度自渤海九河之北得漢河間
涿郡廣陽及上谷漁陽右北平遼西遼東樂浪元菟
古北燕孤竹無終之國按自尾十度至南斗十一度
凡三十度有奇爲燕之分野屬幽州今北直河間保
定隆慶宣府保安遼東永平明史天文云尾三度至
斗二度析木之次也永平府尾分灤州箕尾分又說
者謂尾宿九星三曰天狗四曰天風灤在天狗天風

之間總之灤野屬箕尾之間其分度蓋莫能詳考云
沿革

古無灤州名也陶唐時屬冀州虞屬幽州夏仍屬冀
商爲孤竹國周封召公奭於燕乃屬燕仍爲孤竹國
秦併天下爲三十六郡西鄙屬右北平東鄙屬遼西
西楚項籍以燕將臧荼爲燕王漢滅臧荼而王盧綰
時則盡屬於燕高帝十二年遣周勃畧燕分西鄙爲
石城縣仍隸右北平東鄙爲海陽縣隸遼西晉魏皆
因之北齊省遼西海陽併入肥如隋又省肥如入新
昌旋改新昌爲盧龍則爲盧龍地唐武德初分西鄙

爲臨榆石城二縣七年省臨榆入石城貞觀十五年
改石城爲臨榆嗣聖中復改臨榆爲石城開元間
置東鄙馬城縣遼天贊二年置灤州永安軍中刺史
領義豐馬城石城三縣灤州名始此金天輔七年改
灤州中刺史爲節度使領義豐石城馬城樂亭四縣
榛子新橋二鎮尋改馬城爲安城石城爲臨關元至
元元年升樂亭爲濱州二年省義豐入灤州三年復
置義豐縣四年復濱州爲樂亭五年省石城入樂亭
尋改石城入義豐省馬城入灤州及樂亭明洪武二
年復省義豐入灤州仍領樂亭

國初并領豐潤玉田雍正十二年豐玉改隸遵化州灤樂同隸永平府

域界

州治在永平府城西南四十里

東西廣一百二十四里

南北袤一百七十里

東至灤河五里與昌黎縣界

西至鐵城坎一百二十里與豐潤縣界

南至海一百一十里無連界

北至小橫山營十二里與盧龍縣界

東南至汀流河四十五里與樂亭縣界

東北至偏涼汀五里與盧龍縣界

西南至開平九十里與豐潤縣界

西北至趙各莊三十里與遷安縣界

東二百二十里至山海關

西五百里至

京師

原志云灤之域界前代分割靡恒莫之能詳也遼

史云石城縣在灤州南八十里馬城縣在灤州西

南四十里通典云北平郡西南到馬城縣一百八

十里西北到石城縣一百四十里武經總要云灤
西至石城九十里南至海一百一十里北至平州
四十里松漠記聞云平州七十里至七個嶺即七家嶺
又四十里至榛子店又一百二十里至玉田縣又
七十里至薊州按石城馬城七個嶺榛子店皆灤
地其道里方位與前代所考者殊不相合不知其
何所據也

山川

橫山

一名橫鼉山
詳見形勝

在城北四里

榆山

在橫山後二里宛若重屏

紫金山 在橫山前一里昔產赤石脂因名紫金又名文筆峯背橫面研襟灤帶沂一邑之大觀也
麓爲偏涼汀西北爲抱花厓

城北山三厓一

巖山

一名研爵山
詳見形勝

在城南五里

蠶箔峪

在巖山西麓

卸甲山

宋家山

杜家山

俱在蠶箔峪西二里

馬鞍山

許家山

張目山

俱在卸甲山南三里

胡家山

柴家山

林家山

俱在馬鞍山西南七

里

芹菜山 在柴家山南遼進士馮唐卿於山前結廬
種芹自給

尹家山 在芹菜山南二里

法寶山 習武山 磨笄山 小扒頭山 俱在尹

家山南

小峯山 披甲山 俱在法寶山南二里

木蘭坨 在披甲山東三里

雙雁坨 詳見紀事
並藝文 在木蘭坨東三里

長沙坨 在雙雁坨西十里

古坨 在長沙坨西南五里

龍堂坨 望馬坨 俱在古坨南十里

謊糧三角坨 在龍堂坨南二十里

土坨 在謊糧坨西南

王塚坨 周家坨 白沙坨 俱在土坨西南二十里

嶺頭坨 在白沙坨南五里

宋家坨 孫家坨 劉家坨 灰坨 紀坨 俱在

嶺頭坨西南

項家坨 在紀坨南

唐王坨 在項家坨西南二十里

大沙坨 在嶺頭坨南十五里

草坨 在大沙坨西

兔兒坨 在大沙坨西南二十里

寰坨嶺 在兔坨南

州南山十有八坨二十有二峪一嶺一

雙山 在城西十五里

拐頭山 小龍山 俱在雙山北

饅頭山 五子山上有石洞龍溪之源出焉 俱在

雙山南

佛住山 在雙山西北七里

劉家山 賈家山東壁聳列怪石嵯峨入繪 俱在

佛住山西七里

土山 在賈家山南

洞山 在土山西下有水洞深黝莫測夏秋之際漲
汶積水注焉伏流而南至二十里外河草等庄地
方從平地洩出亦一奇跡也

尖山 在洞山北

巍峯山 毛家山 俱在尖山西七里

萬石山 在毛家山南其南麓有鮮卑元帥墓

麥家坨 在萬石山東南二十里

光水坨 常家坨 茨榆坨 俱在麥家坨西二十

里

唐子坨 在茨榆坨西十里

馮家坨 沙塘坨 俱在唐子坨西南十里

亭子山 塔兒山 北長山 小山 大扒頭山

俱在萬石山西北十餘里

白道子山 在萬石山西十里

圍山 有瀑布泉
詳見形勝 在白道西十里

香花峪 在圍山南麓

七哥山 在白道山北上有聖泉居其麓者多產七

男北麓爲馬家峪

刀楞山 在七哥山東

逗遛山 在刀楞山東

白雲山 有寺詳見形勝 在逗遛山東

水峪 王子峪 俱在白雲山南

秣軸峪 在王子峪北

鳳凰山 在白雲山東

佛座山 在鳳凰山北

大厓山 在佛座山西

大烽 郡志作風 山 在圍山南其巔有洞 詳見形勝 洞前有頑

鐵如牛半入土內人莫能掘起云

樹兒嶺 在大烽山南五里

駱駝嶺 在樹兒嶺南十五里

賈家山 在駱駝嶺南三十里

唐山 在賈家山西週迴數里複嶺重岡中多幽境

其東麓則陡河潞帶有流泉十餘道注之舊有姜

將軍祠

事見藝文

及他廟宇數處鳥道微通遊覽不倦

且多產木石材物灤邑山水之佳宜推此爲勝

長春坨 楊家坨 大夫坨 俱在唐山南十里

西沙坨 在唐山西三十五里